


地360.167

139

三

10-5-85



彭亨府志

冊一十

黎平府志卷六下

宦績

統治

牂牁武陵轄地廣寫畫疆置省節制斯分自漢迄今文德武功著績斯上無畛域焉咸與列爲統治

漢

吳霸 華陽國志武帝拜唐蒙爲都尉開牂牁因斬竹王置牂牁郡以吳霸爲太守後夷濮阻城怨恨竹王非血氣所生求立後嗣霸表封其三子列侯通志請封其三子爲侯濮夷懼服

陳立 前漢書西南夷傳成帝河平中夜郎王興與鈞町王禹漏卧侯俞更舉兵相攻牂牁太守請發兵誅興等

黎平府志卷六下

一

議者以爲道遠不可擊迺遣大中大夫蜀郡張匡持節和解興等不從命刻木象漢吏立道旁射之杜欽說大將軍王鳳選任職太守鳳於是薦金城司馬陳立爲牂牁太守立者臨邛人前爲連然長不韋令蠻夷畏之及至牂牁諭告夜郎王興興不從命立請誅之未報迺從吏數十人出行縣至興國且同亭召興興將數千人往至亭從邑君數十人入見立立數責因斷頭邑君曰將軍誅亡狀爲民除害願出曉士衆以興頭示之皆釋兵降鈞町王禹漏卧侯俞震恐入粟千斛牛羊勞吏士立還歸郡興妻父翁指與興子邪務收餘兵迫脅旁二十二邑反至冬立奏募諸夷



與都尉長史分將攻翁指等翁指據阨爲壘立使奇兵絕其饗道縱反間以誘其衆都尉萬年曰兵久不決費不可共引兵獨進敗走趨立營立怒叱戲下命格之都尉復還戰立引兵救之時天大旱立攻絕其水道蠻夷共斬翁指持首出降立已平定西夷徵詣京師會巴郡有盜賊復以立爲巴郡太守秩中二千石屢賜爵左庶長徙爲天水太守勸民農桑爲天下最賜金四十觔入爲左曹衛將軍護軍都尉卒官華陽國志序志左衛護軍陳立字少遷歷牂牁巴郡天水三郡太守治爲天下最

張亮則 華陽國志字元修南鄭人也爲牂牁太守威著

黎平府志卷六下

二

南土永昌越巂夷謀欲反畏則按臨其郡相諫而止號曰卧虎以戌狄勳遷護羌校尉

馬援 後漢書南蠻傳光武中興武陵蠻夷特盛建武二十三年精夫相單程等據其險隘大寇郡縣遣武威將軍劉尚發南郡長沙武陵兵萬餘人乘船泝沅水入武谿擊之尚輕敵入險山深水疾舟船不得上蠻氏知尚糧少入遠又不曉道徑遂屯聚守險尚食盡引還蠻緣路微戰尚軍大敗悉爲所沒二十四年相單程等下攻臨沅遣謁者李嵩中山太守馬成擊之不能克明年春遣伏波將軍馬援中郎將劉匡馬武孫永等將兵至臨沅擊破之單程

等飢困乞降會援病卒謁者宗均聽悉受降爲置吏司羣蠻遂平湖南靖州志援漢伏波將軍征五溪蠻軍次下雋進營壺頭卒於軍沿江建祠祀之

李進 後漢書南蠻傳順帝永和元年武陵太守上書以蠻夷率服可比漢人增其租賦議者皆以爲可尙書令虞詡獨奏曰自古聖王不臣異俗非德不能及威不能加知其獸心貪婪難率以禮是故羈縻而綏撫之附則受而不逆叛則棄而不追先帝舊典貢稅多少所由來久矣今猥增之必有怨叛計其所得不償所費必有後悔帝不從其冬澧中澧中蠻果爭貢布非舊約殺鄉吏舉種反叛明

黎平府志卷六下

三

年春蠻一萬人圍充城八千人寇夷道遣武陵太守李進討破之斬首數百給餘皆降服進乃簡選良吏得其情和在郡九年梁太后臨朝下詔增進秩二千石賜錢二十萬應奉 後漢書南蠻傳桓帝元嘉元年秋武陵蠻詹山等四千餘人反叛拘執縣令屯結深山至永興元年太守應奉以恩信招誘皆悉降散

謝暹 後漢書西南夷傳公孫述時大姓龍傳尹董氏與郡功曹謝暹保境爲漢乃遣使從番禺江奉貢光武嘉之並加褒賞華陽國志聞世祖在河北乃遣使使由番禺江出奉貢漢朝世祖嘉之號爲義郎

劉寵 華陽國志字世信縣竹人出自孤微以明公羊春秋上計闕下除成都令政教明肅時諸縣多難治乃換寵爲郫令又換郫安漢皆垂績還在成都遷牂牁太守初乘一馬之官布衣蔬食儉以爲教居郡九年乘之而還吏人爲之立銘王商陳實當世貴士皆與爲友

諸葛亮 黔書武鄉侯祠侯以南陽布衣佐先主奄有巴蜀而成帝業自離草廬以來二十餘年夙昔以管樂自期可以無餘憾矣泊乎永安遺詔謂其才十倍曹丕終定大事夫所謂大事者非斤斤於六尺之孤而一隅之安也昭烈之志實未嘗一日忘并魏吞吳身將歿而志不衰蓋欲

黎平府志卷六下

四

侯之大展其才瞰中原之變興復漢室斯已耳建興元年侯以丞相領益州牧開府治事手握兵柄或以侯之處此痛思先主之顧命勢必獎率三軍首出祁山爲北伐之舉其事審其計決矣而乃汲汲於平蠻之役者當是時成都甫定根本未固也主幼國疑羣蠻蠢動而人心未歸也梟鬻葛爾之國財用弗克也脫一旦興師動衆驟議遠圖彼雍閬朱褒孟獲之徒得從而窺伺之且有以襲其後焉吾知侯之謹慎必不出此所以遣使聘吳因結稯親可以畢力於南征而不敢輕試於北伐此侯之雄略亦遠謨也夫侯之南征也後主親餞於郊詔賜金絨一曲蓋一羽葆鼓

吹各一部虎賁六十人分兵三路遣馬忠攻朱褒李恢向益州達昆明乃躬率步騎由水路入越雋又得酋帥濟火率羅鬼諸部刊山逼道聚糧以供軍不百日褒聞悉平聞孟獲爲蠻王長募生致之於是自銀坑佛光漾濞川而北歷髡州慶甸而西以暨平驃國木鹿都魯普坎之間七縱七擒南人不反而人心歸矣攻心爲上由於街亭敗將之一言而成都根本之地如磐石矣三月興師五月渡瀘至秋而事定凡牂牁昆明東川武定烏撒沾蒙地方數千里莫不收其豪傑以爲官屬出其金銀丹漆耕牛戰馬以給軍旅之用財用充而國以富饒者矣國富而後治戎講武

黎平府志卷六下

五

北伐中原此固善體夫昭烈之志無負乎永安之託而侯之雄略遠謨爲何如耶嗟乎出師一表日月爭光五丈秋風英雄揮涕正所謂運數有歸不可以智力爭也若夫損益連弩之妙木牛流馬之奇行屯田於渭濱作八陣於魚腹又侯之餘才剩技矣然而蜀書所載於侯平蠻之道尤詳不置吏不留兵不運糧三者至當而不易蓋置吏而終不相信必成禍患留兵則無所食運糧則苦於山川險阻旦夕告匱而多脫巾之呼惟於既平之後即其渠帥而用之示以信義布以德威俾之分守其土各部其民綱紀粗定而蠻漢相安此道得也且其征之之方也蠻習擊刺侯

故因以兵也蠻善燎原侯故攻以火也蠻俗尙鬼侯之用兵疑鬼疑神也蠻所恃者深山密箐之中爲羣狐三窟之計侯故窮搜之無得避震讐之弗敢出也至於貯甲銅鼓陳蹟依然又何莫非侯之奇踪闕響有以服南人之心也耶湖南靖州志建興二年率衆南征駐軍於此

費詩 三國志本傳字公舉犍爲南安人劉璋時爲縣竹令先主領益州牧以詩爲督軍從事出爲牂牁太守遂爲益州前部司馬後羣臣議欲擬漢中王稱尊號詩上疏忤旨左遷部永昌從事建興三年從諸葛亮南行蔣琬秉政以詩爲諫議大夫卒於家

黎平府志卷六下

六

馬忠 三國志本傳字德信閬中人少養外家姓狐名篤後乃復姓改名忠建安末舉孝廉除漢昌長先主東征巴西太守閭芝發諸縣兵五千人以補遺闕遣忠送往先主已還永安見忠與語謂劉巴曰雖亡黃權復得狐篤此爲世不乏賢也建興三年亮入南拜忠牂牁太守郡丞朱褒反叛亂之後忠撫育卹理甚有威惠八年召爲丞相參軍明年亮出祁山忠詣亮所經營戎事軍還督將軍張嶷等討汶山郡叛羌十一年南夷豪帥劉胄反擾亂諸郡徵庾降都督張翼還以忠代翼遂斬胄平南土封博陽亭侯初建甯郡都督常駐平夷越雋郡亦久失土地忠開復舊

郡延熙五年還朝加拜鎮南大將軍七年春費禕北禦魏
留忠成都不尚書事禕還忠乃歸南十二年卒子修嗣忠
爲人寬濟有度量但詆啁大笑忿怒不形於色然處事能
斷恩威並用是以蠻夷畏而愛之及卒莫不自致喪庭流
涕盡哀爲之立廟祀迄今猶在華陽國志南中志牂牁郡
其郡守垂功名者前有吳霸陳立後有漢中張亮則廣漢
劉寵犍爲費詩巴西馬忠皆著勲烈

晉

毛 楚 華陽國志文立傳同郡毛楚有美德牂牁太守
又後賢志目錄牂牁太守毛楚枳人通志爲夷人所信服

黎平府志卷六下

七

唐

柳公綽 湖南靖州志唐元和中溪蠻勾牂牁以叛公綽
自潭帥師屯武岡平之

王昌齡 新唐書文藝傳附孟浩然傳開元天寶間同知
名者王昌齡崔顥位皆不顯昌齡字少伯江甯人第進士
補秘書郎又中宏辭遷汜水尉不護細行貶龍標尉以世
亂還鄉里爲刺史閩邱曉所殺張鎬按軍河南兵大集時
最後期將戮之辭曰有親乞貸餘命鎬曰王昌齡之親欲
與誰養曉默然昌齡工詩緒密而思清時謂王江甯云黔
南識畧廢龍標縣在龍里所唐王昌齡謫龍標尉卽此地

有墓在龍標山按舊唐書文苑傳王昌齡再遷沅水縣尉
不護細行屢見貶斥卒新唐書文藝傳昌齡字少伯江甯
人遷沅水縣貶龍標尉以世亂還鄉里爲刺史閻邱曉所
殺今墓所在未能詳也舊志王昌齡字少伯江甯府人開
元十五年進士補秘書郎又中宏詞科遷沅水縣不矜細
行作梨花賦內寓規諷天寶中謫龍標縣尉開泰縣志謂
龍標卽今隆里所通志亦謂龍標縣卽隆里司之龍標寨
考唐書文藝及文翰列傳皆載昌齡謫龍標尉後因避亂
回籍爲刺史閻邱曉所殺則此地之墓何有焉又考一統
地輿志龍標縣屬唐敘州潭陽郡卽今湖南黔陽縣黎平

黎平府志卷六下

八

黔陽當時皆屬龍標

王昌齡瀘溪別入詩武陵溪口駐扁舟溪水隨君向北流行到金門上三

峽莫將孤月對猿愁龍標野宴詩沅溪夏晚足涼風春酒攜來就竹叢莫謂絃歌悲遠謫青山明月不曾空龍標夜月詩龍標只在龍溪上明月孤山兩相向遣謫離心是丈夫承恩只待春江漲李白聞王昌齡左遷龍標遙有此寄楊花落盡子規啼聞道龍標過五溪我寄愁心與明月隨風直到夜郎西

按舊府志縣志隆里所有狀元閣狀元橋皆因昌齡得名考狀元之稱始於武后初試貢士於殿前其等第門下例得奏狀居首者曰狀頭亦曰狀元通鑑唐僖宗謂優人曰朕若應擊毬進士舉須爲狀頭西陽雜俎李固言擢狀元有芙蓉人鏡之語又鄭谷登第詩好是五更殘酒醒耳邊聞喚狀元聲此唐時稱狀元故事查新舊

唐書只載昌齡舉宏詞科並未晰其爲舉首與否他項著錄及通志亦未詳此等名稱不知其何據也

南承嗣 貴州通志范陽人南霽雲子爲婺川別駕賜緋魚袋歷施涪二州一云爲清江郡太守多善政時巡夜郎牂牁薄徭恩惠後自請從軍討王承宗柳宗元代爲狀五代

覃万貴 古州廳志五代晉天福五年楚王馬希範與溪州刺史彭士然立誓鑄銅柱立於永順白河之惠溪坪上題名數十有古州覃万貴而無官銜是時古州苗酋尙未有職也

黎平府志卷六下

九

楊再思 鄧顯鶴書楊果勇侯芳年譜後按譜楊氏出漢太尉伯起公後至唐懿宗時再思公生由淮南丞遷辰州長史結營飛山與李克用同受昭宗衣帶詔徵兵眾奉爲誠州刺史稱令公今考令公爲楊業之稱宋史楊業本傳業并州太原人在邊防二十年契丹憚之六子皆貴顯官供奉殿直延昭尤驍勇善戰昭子文廣爲廣西鈐轄知宜邕二州英宗曰文廣名將後且有功擢誠州團練使世稱楊氏世將又宋史南蠻傳誠徽唐谿峒州宋初楊氏居之號十峒首領以其族姓散掌州峒太平興國四年首領楊蘊始來內附八年楊通寶始入貢命爲誠州刺史淳化二

年其刺史楊正巖復來貢是歲正巖卒以其子通塏繼知州事熙寧八年有楊光寶者率其族姓二十二州峒歸附詔以光寶爲右班殿直繼有楊昌銜者亦願罷進奉出租賦爲漢民詔補爲右班殿直子姓十八人補授有差獨光僭不從未幾亦降乃與其子曰儼請於其側建學舍求名士教子孫詔潭州長史朴成爲徽誠等州教授光僭皇城使誠州刺史致仕官爲建宅置飛山一帶道路巡檢未及拜而卒遂以贈之錄其子六人又乾道十四年成忠郎充武岡軍都巡檢谿洞首領楊進京備方物求貢十五年楊進禹復求入貢皆誠徽州諸楊也時稱楊氏世勲與太原

黎平府志卷六下

十

之楊判然兩族後人因其姓同其時同其官同其所官之地又畧同稗官野乘混而一之流俗僞傳又以令公威名甚著誠州刺史爲楊氏世職因以加之再思耳非再思必刺誠州號令公也至於五代時民遭塗炭獨公奉唐正朔保障滇黔民賴以安此則據家譜可以破宋史楊承磊族人以地附楚之謬何以言之梁之稔惡極矣天下惡之唐祚雖絕當時列鎮猶有用天祐紀年以號召其國者獨馬殷父子甘心臣附曾謂楊氏之強再思之賢而肯以其地附不耻臣梁之馬氏乎况楊氏入宋後承平已久江南諸國相繼入版圖始率其族人獻土地則當日據有二十二

州之地力能固守不汲汲於附楚也明甚是則家譜之可信者也

宋

朴成 宋史南蠻傳太平興國四年首領楊蘊始來內附八年楊通寶始入貢命爲誠州刺史熙寧八年有楊光寶者率其族姓二十二州峒歸附繼有楊昌銜者亦願罷進奉出租賦爲漢民獨光僭不從未幾亦降乃與其子曰儼請於其側建學舍求名士教子孫潭州長史朴成爲徽誠等州教授光僭爲皇城使以誠州刺史致仕

按今黎平境在宋爲誠州地彼時朝命設教自朴成始

黎平府志卷六下

士

後人釋奠應以國故祀之

又按郡志秩官內附載前代職官楊通蘊再思孫太平興國二年內附又楊通寶爲通蘊弟太平興國五年入貢均與傳有不同處

李允則 通志字垂範濟川團練使謙溥子太平興國七年擢閤門使高溪蠻田彥伊入寇遣詣辰州與轉運使張索荆南劉昌言議允則以蠻徼不足加兵悉招輯之按允則宋史有傳

喬執中 湖南靖州志高郵人字希聖宋時章惇討五溪檄執中取太田離子二峒遣校諭酋卽相率歸命

率逢源 宋史淳熙三年峒蠻姚民敖叛攻燒來威零溪諸苗嚮應上命統制逢源討之擒民敖餘黨皆降

向通展 宋史眞宗咸平元年展以芙蓉硃砂二器馬十匹水銀千兩入貢詔有司鑄印賜之大中祥符間詔加古

州刺史

通志展作展

向光普 古州廳志大中祥符元年詔加銀青光祿大夫

太子賓客

通志端拱二年漢璿又貽書五溪都統向通漢約以入貢考漢璿夷王龍姓又向氏或名光晉

張尙穀 湖南靖州志河南人靖國乙酉舉人大觀己丑

進士政和初任平州刺史致仕歸道經三江寓北賞家焉

徐知府 舊志臨安人失其名宋末元初守辰州峒蠻阻

黎平府志卷六下

三

聲教仗節宣化遇害其屍葬小里寨後溫家庄投其首於江順流中黃出大江夜復泝洄轉新化時土人猶有識其爲辰州守姓徐者爰收葬所城東並立祠祀之水旱疾疫有禱輒應其死而爲靈則其生而爲英可知也

按宋戒諭文石刻景定辛酉夏靖守徐將軍巡邊蠻酋誘而害之是時靖州已設治似是靖州守非辰州守舊志謂宋末元初守辰州特無據之臆說耳

張開國 宋景定年間守靖州適前守徐巡邊遇害調兵千萬人進攻湖耳諸苗穴克之作戒諭文書石詳金石元

李忽蘭吉 貴州通志隴西人至元二十一年以四川南
道宣慰使與叅政曲理吉思僉省巴入左丞汪惟政分兵
進取五溪洞蠻時思播以南蠻獠叛服不常往往刼掠邊
民詔並討之一軍出黔中一軍出思播一軍出澧州忽蘭
吉一軍出夔門會合伐山通道破其險隘敗其前鋒諸蠻
長乃降

楊景五 湖南靖州志受職總戎以五溪苗叛奉命征討
歿於王事封千戶侯爵建祠享祀

明

唐均顯 湖南靖州人洪武初率其子勝忠從大將軍常

黎平府志卷六下

三

遇春屢立戰功授驍騎將軍兼攝叅謀職及吳良李伯昇
討古州八萬諸峒苗獻謀招撫收撫峒寨二百餘處師未
及旋均顯卒於軍事聞賜卹如例贈武德將軍其子勝忠
世襲千戶職

劉宣武 舊志辰州衛指揮洪武三年率兵招降湖耳潭
溪諸洞諸洞長官皆附焉

吳良 舊志定遠人洪武五年古州八萬諸洞蠻亂良
以江陰侯充總兵官佩征南副將軍印帥師討之次零溪
進攻銅鼓五開潭溪克之既而搗地青開隆里通洪州所
向皆捷獨秦洞山苗據險久不下良以計襲破之殲其眾

於是古州八萬皆降收撫洞苗二百餘所籍其民卒贈江國公諡襄烈

胡海 舊志寶慶衛指揮洪武五年古州八萬諸洞蠻叛江陰侯吳良率海討之收撫洞苗二百餘寨籍其民周德興 舊志江夏侯洪武十三年五溪蠻作亂興請行征討師至蠻悉退不敢出十八年從楚王討吳裔兒之亂分四道夾擊悉平之

楚王禎 舊志洪武十八年上黃蠻吳裔兒作亂楚王請親討師至剿平之設五開衛三十年討古州蠻林寬之亂亦剿平之設銅鼓衛均隸靖州

林寬卽林小廝

黎平府志卷六下

古

湯和 貴州通志鳳陽人洪武十八年銅鼓蠻吳裔兒倡亂上命楚王討之以和充總兵官佩征南將軍印江夏侯周德興都督同知湯禮充副將軍偕往師號二十萬擣其巢穴執吳裔兒及其子送京師湖南靖州志增設所驛湯禮 舊志都督同知洪武十八年楚王剿除吳裔兒之亂禮實與有力焉

唐廷茂 舊志靖州人充靖州衛後所百戶洪武十二年征隆里高寨小坪生擒苗酋十八年吳裔兒亂隨信國公湯和征之至九里江零溪斬馘無算十九年調五開衛右所百戶子以盛襲職

俞通淵 貴州通志巢人父廷玉兄通海淵以父兄故充
叅侍舍人以功陞都督洪武二十四年古州蠻反命淵統
諸軍討之克銀賴諸洞俘斬無算封越巂侯

韓觀 舊志都督同知洪武三十年楚王征古州蠻林
寬以觀充副總兵官副楊文討平之

楊文 貴州通志含山人洪武三十年古州蠻林小廝
以妖術倡亂命楚王帥師湘王副之以左都督楊文充總
兵官佩征蠻前將軍印簡徒三十萬由沅州伐山開路二
百餘里營天柱縣文等率偏師直抵洪州泊里永從諸洞
寨分道夾攻大破之擒馘二萬餘人

黎平府志卷六下

七

顧成 舊志字景昭湘潭人勇壯有膽畧洪武三十年
楚王征古州蠻林寬命成率貴州兵策應亦剿平臻部六
洞螃蟹天堂大坪小坪諸寇後封鎮遠侯卒贈夏國公諡
武毅湖南靖州志生擒苗銀萬等設黎平新化二衛

按獻徵錄明征南將軍顧寰鎮貴州征五開六洞一百
二十七寨盡平斬獲功多與成姓同而名異事亦畧殊
或又一人也

王真 舊志明五開衛指揮同知林小廝之亂與紀達
往援新化賊攻新屯突出蓮花池眾寡不敵咸畏怯不前
真奮臂曰事急矣非死戰不克乃脫甲冑單衣躍馬馳入

賊陣紀達掩擊之賊披靡擒其大酋楊通秀斬馘八十餘
賊潰去後論功調陝西秦州衛

王文 舊志明五開衛指揮簽事林寬之亂衛精銳分
戍諸所領老弱守衛城乃設疑兵賊不敢進城賴以安

紀達 舊志明五開衛千戶同王真敗賊於蓮花池達
獨馬追殺抵新化所城下流矢中腹拔矢腸出自納之裹
腹復戰賊乃怯後論功遷指揮簽事調山東青州衛

廖春 舊志五開衛千戶林寬聚眾數萬分圍諸所以
春守黎平所被圍旬餘糧盡乃開門迎擊之賊遁去

吳得 舊志明隆里所千戶洪武三十年古州上漣洞

黎平府志卷六下

夫

苗林寬作亂攻隆里所得與鎮撫井孚議曰我等爲國守
邊徒死無益宜開門擊賊或曰宜伺其怠得曰城頃刻破
何伺之有且我等父母在城若城不守不惟不忠亦且不
孝何用生爲卽率麾下馳入格殺數十人中毒弩死事聞
明太祖旌其忠孝兩全贈指揮簽事以子襲職仍恤其家
井孚 舊志明隆里所鎮撫林寬之亂與吳得同戰死
事聞明太祖並加旌獎贈正千戶以子襲職仍恤其家通
志載吳得井孚入龍里縣名宦似涉兩歧

梁福 舊志永樂十一年藕洞漣洞等寨苗作亂命都
督梁福討平之爰設黎平新化二府